

小草齋集

小草齋集卷之十二

陳留謝肇淛著

友人陳仲濤校

五言律詩二

登道場海天閣一首

躡屐出雲間，雲烟暗百蠻。  
樓頭滄海日，門外洞庭山。  
老鶴窺人下，遊僧採藥還。  
洪崖如可拍，吾欲問仙班。

飛閣接天都，珠宮控太湖。  
山光圍百雉，野色入

三吳木落禽聲盡雲崩塔勢孤東南多王氣回  
首起樓烏

歸雲庵拜孫太初墓

斯人不復作地下亦吾師海內尋遺字人間有  
舊詩寒郊山鬼語古墓老僧知千載歸雲寺猶  
存十字碑

舟中雨

盡日雨聲愁孤帆去未休蘆花常亂月漁火忽  
驚鷗南北方多難衣冠不散憂平生一掬泪灑

向白蘋洲

連以善令君招遊半月泉謁大士像

雲嶂雨中青  
盤輦竹外停  
泉流分半月  
良夜聚雙星  
石竈丹如火  
松門翠作屏  
傳來大士戒  
時有老龍聽

喜周喬卿來訪

相別復相逢  
流光春又冬  
壯心悲伏驥  
薄技老雕龍  
白髮經年短  
青山萬事慵  
素交何所贈  
吾已媿臨邛

郡城晚望

憑虛聊一望夕陽桑柘稀野氣暝初合江雲寒  
不飛山郵悲戍角村杵急秋衣獨有宦遊者愁  
看鴻鴈歸

紀事二首

見說渾河北倭奴已罷兵更聞求互市且莫築  
降城秋稅催猶急寒笳怨未平書生有孤憤無  
計請長纓

日本猶乘勝天驕未請和二軍悲白骨十月戍

黃河大漠炊烟少  
長城夜燧多  
至尊憂社稷  
空自憶廉頗

秋雨

積雨入平林  
連山霧氣沉  
時聞歸鴈斷  
轉見落花深  
戎馬他鄉泪  
扁舟故國心  
孤城十萬戶  
處處起寒砧

董大宗伯招飲山齋三首

幽墅俯鷗汀  
扁舟到草亭  
東山太傅宅  
南極老人星  
晚岫臨江紫  
寒松濯雨青  
著書三萬卷  
笑

殺太玄經

憂國鬢成絲還家友鹿麋兒童看客慣鷗鳥見  
人疑露葉翻紅藥雲根護紫芝澤邊垂釣者昨  
已夢非

迎春

可嘆繁華地淒涼白日眠絳花空有勝桑栢已  
無烟暴骨荆榛裏荒城豺虎邊最堪爲客者芳  
草又年年

癸巳除夕

四海風塵惡孤城雪色鮮殘燈送餘臘雙鬢入  
新年梅蕊故自好椒花誰共傳鴈行飛盡處淒  
斷向南天

寄陳伯孺

作吏憐吾隱閒居念汝遙夜邀鰲頂月秋聽海  
門潮避客藏深竹尋僧出石橋風塵猶在眼叢  
桂未須招

苦雨二首

去歲苦無雨今春雨較多桃花濕更落鶯聲寒



未和盜賊已滿地滄洲意若何  
閑門饒伏枕一任雀堪羅

竟日風雲色天應洗甲兵  
柴門烟斷絕麥隴浪縱橫  
米貴人多病桑稀蠶未生  
哀哀有寡婦慟哭向江城

茗溪草堂雜興十首

半生懷遠志今日復云何  
卽不置丘壑寧能廢嘯歌  
苔痕衝屐滿梅雨入簾多  
作吏仍兼隱茗江有薜蘿

一官堪避世寧復受籠樊流水不厭客遠山時  
在門新松收雨氣惡竹損牆根一夢遽然覺吾  
今亦添園

吏散誰投牒官閒早放衙客身饒伏枕春夢半  
還家雨過移新竹鶯啼聽落花且將白雪意飄  
泊向天涯

茗雪東南水雙流似帶圍千家種菰米五月採  
蓮衣海近黃魚賤霜多紫蟹肥何時分月俸爲  
買釣魚磯

千載謝安石風流不可攀溪中老釣碣流落在  
人間蒼弁色未改烏衣燕復還菰城一片月猶  
照道場山

郡治東南宅相傳墨妙亭池分剩水綠雲助假  
山青往事餘丘壑吾生有典刑徘徊空日夕鶴  
唳不堪聽

六月雨意好松風鳴未休虛亭不受暑疎竹已  
成秋藤護花間石山當池上樓頽然高卧處便  
作少文遊

不覺身爲客江山亦可憐  
早霜歸鴈後夜雨落花前  
樹有報春鳥池饒縮項鰻  
時邀故鄉月共泛太湖船

白日草堂靜羅陰生晚涼  
碧添浮玉雨黃入洞庭  
霜休沐琴爲枕攤書石作牀  
半窓桐葉落處處木犀香

地僻真堪隱家貧不解愁  
俸錢都養鶴新句總盟鷗  
夜色星臨幔秋聲葉墜樓  
陸沉何足問吾欲老菟裘

吳山中夜聞笛

吳山秋露白，關塞意漫漫。  
夢斷幾千里，人憑何處欄。  
潮聲如雨急，月色帶霜寒。  
衰柳那堪折，金闕淚未乾。

攜李舟中懷徐興公

不堪搖落日，獨客倚蘭橈。  
古木沿堤轉，前山隔雨遙。  
傲來猶有骨，瘦去欲無腰。  
念汝草堂靜，峰頭看海潮。

吳山晚望

木落鴈團沙江城起暮鴉吳山高處望秋色滿  
人家月出潮初上霜深菊未花客魂淒欲斷雙  
汨落悲笳

九月晦日送人之楚

西風吹客鬢落葉滿孤城不覺三秋盡猶爲萬  
里行路迷湘浦竹舟觸楚江萍別後勞相念峰  
前有鴈聲

送惟和北上二首

朔雪暗天地胡爲獨遠遊十年三獻賦萬里一

孤舟潮落金山曉風寒易水秋別離何足戀春  
色在皇州

作客年垂盡風塵亦可憐路隨人語改月屢馬  
頭圓水勢過淮緩山形入岱偏蒺城一枝柳聊  
作繞朝鞭

十一月望夜同惟和碧浪湖看月

淨水吐片月清光上人衣乍驚漁火出翻共浪  
花飛寺遠疎鐘斷江寒過鳥稀峴山烟樹裏無  
數暮帆歸

宿吳山玄妙觀

獨坐踈燈暗空堂夢復驚雨聲喧落葉水氣冷  
孤城客鬢經秋盡鄉心入夜生寒蛩不解事故  
傍枕邊鳴

客夜寄家

落日高支枕寒城早閉門風燈照影獨村犬吠  
聲繁夢裏家頻到貧來劒尚存年年芳草色何  
處覓王孫

乙未春舟滯柘湖苦雨



入歲已十日朝朝雨未乾連山積水氣帶雪作  
春寒草意青難見梅枝白易殘  
湖烟樹裏好着釣魚竿

二月餘杭道中

春色忽已半山城花欲繁雪晴生野氣日出見  
沙痕樹影沿溪路雞聲隔水村客心正無柰時  
復有清猿

舟中作家書

冉冉春光盡  
悠悠行路難  
河經梅雨漲  
天入麥

秋寒歸夢鐘前斷鄉心醉後寬遲回題數字雙  
泪向誰看

舟次鹽官縣

王氣千秋盡江流三月平鹽亭村女趁魚筏海  
丁營烟堠通蠻徼潮頭向縣城放船隨返照天  
外數峰橫

喜陳幼孺下第見過

空庭雀可羅愛汝遠相過衣典烏程酒囊探燕  
市歌雨深芳蘚合春盡落花多一別長安久西

山近若何

出錢唐

江色連平楚潮聲滿驛樓  
長年上水怯五月度關愁  
野竹深通纜巖花低撲舟  
灘頭風雨惡驚散白沙鷗

舟泊富陽

病喝意不愜聊從江上行  
巖雲依樹宿林燒隔村明  
月出沙侵岸潮生水向城  
青山看不盡遠寺暮鐘聲

寄沈從先

早知腰已瘦猶有舌爲田病對青山卧詩從白  
社傳壯心同驥伏生計任鶉懸憐汝幽棲地何  
時割半氈

定陽道中

瘦馬又長途相將暑欲徂瀑流隔樹細野寺近  
山孤林翠晴仍濕嵐光看復無客心時自笑芳  
草綠靡蕪

月

瞥見天涯月相思幾度過三年辭故國永夜望  
明河烏鵲南飛少關山北面多鰲峰讀書處松  
桂近如何

九日

浪跡悲萍梗山杯對菊花不堪秋作客祇有夢  
還家草色平蕪盡砧聲夕照斜愁心與候鴈寥  
落向天涯

夜

寒生何太早霜落洞庭柑肺病秋還作歸心夜

不堪星河猶直北鴻鴈已圖南雙鬢蕭蕭短那  
勝白玉簪

送人之咸陽

送爾咸陽道風霜冷不勝鴉啼將落月馬怯欲  
消冰火後無秦殿回中有漢陵斜陽看故國烟  
樹鬱層層

哭董伯念二首

一官不得意三徑竟蓬蒿家爲還山棄名從去  
國高新詩白雪調久病赤霜袍放逐何須問人

間有楚騷

司馬愁多病元龍氣未除才應造化忌狂與市  
朝踈世有廣陵散家無封禪書數行知已汨灑  
向草玄廬

聞王百穀喪姬且病寄之

一失文君後相如渴未消羅衣秋掩泪革帶老  
移腰夜雨鳴蕉葉寒霜損藥苗陽臺如可遇絕  
勝廣陵潮

江上十首

榜歌孤夢斷曙色半江分忽墜波心月驚飛鷗  
鷺羣溪聲寒作雨山氣散爲雲不覺秋城近清  
笳處處聞

哭子

玉樹委荒原淒涼泪暗吞生時空浪喜死日尚  
能言憐汝它鄉骨孤余十月恩峴山一坏土霜  
月照游魂

哭女八首

有引

余有愛女夢吾家道韞而生穎異絕人三齡



而死情之所鍾何能已已爲詩以哭之凡八

首

雙鬢憐吾暮二年愛汝深雖非男子骨亦慰病  
夫心翦紙爲棋局拈紈學繡針含情一旦盡永  
夜月沉沉

夢中來道韞得汝慧堪倫覓果常分弟看花喜  
趁人死生俱赴逝魂氣不歸閩寒食蕭蕭雨誰  
憐陌上塵

憐汝奄奄病嬌癡不自持槿花元易盡參木竟

難支蟲網藏襦笥苔深蹟面池夜臺無白日弱  
魄渺何之

愛女豈殊男羅襦弱不堪人前初學拜語後盡  
能諳竹作兒童馬花分祖父簪傷心在何處月  
下草堂南

少小識人情蹢躅挽我行最憐今日死翻恨昔  
時生坐畔猶疑影牀頭錯喚名千行羸博泪灑  
向下燕城

風雪年將盡淒涼事已非荒郊尋弟伴逆旅別

川東集卷十三  
親歸地下無新曆囊中有舊衣柔腸渾斷盡無  
泪可重揮

馬鬣掩新封幽冥永不逢入門無笑語何地見  
音容泪向兒曹盡情應我輩鍾夢中時抱汝恨  
殺五更鐘

去矣復何知彭殤共息機行人憐素旄慈母哭  
斑衣草徑添新鬼籃輦鎖舊扉相呼還自失獨  
對雪花飛

乙未除日遲家信不至

眼中兒女盡愁緒向誰開守歲人頗異它鄉鴈  
未來魂隨殘臘去腸共早春迴華髮驚年莫何  
心對酒杯

孤客

孤客南冠久風塵北望高心隨閩海鴈病憶廣  
陵濤師老 呈威損時危小吏勞三吳財賦地  
歲歲泣弓刀

春夜同鄭翰卿黃白仲孤山尋梅

春雲寒欲暝月色淨如沙一夜孤山雪前林幾

樹花含霜看不定  
近水映初斜  
愁恐花神笑  
風塵兩鬢華

卽事

客路依山趾  
柴門傍水邊  
夜潮船載月  
春樹鳥啼烟  
里婦輸蕉布  
山丁種火田  
時平容吏傲  
一任枕書眠

錢唐送康元龍

春盡解寒袍  
山城匹馬勞  
綠浮新竹葉  
紅見熟櫻桃  
日落觀音渡  
風吹伍子濤  
憐君湖海氣  
解

贈孟勞刀

同臧晉叔陳伯孺遊歸雲庵

昔人招隱地松竹揜柴扉  
墓木何年拱山雲猶  
夜歸燕巢殘佛頂蟲網老僧衣  
往事空流水悠  
悠對夕暉

伏枕

伏枕餘雙泪閒門任雀羅  
戎心孤島急除目逐  
臣多已罷梅花戍還開  
瓠子河杞人憂不徹聊  
作五噫歌

丙申書事

羽檄飛千里天災及兩宮  
君王聞罪已社稷  
付和戎海汛乘春急山田望歲空孤舟有發婦  
灑汨五湖東

游天聖寺見其荒廢有感

花宮開縹緲蘚碣蝕饒餬龍向何年錯認猶舊  
日跌幻身歸弱草殘食施伊蒲空有雲千片那  
堪布給孤

江上阻風

江上雨蕭蕭迴船避晚潮水腥龍鬬急日黑虎  
行驕病骨生涯困羈魂歲月遙憑高望關塞氛  
祲未全銷

汪肇邵招遊法相寺二首

舍舟登赤岸秋色散平原一徑烟蘿外山僧開  
竹門鴉啼松子落鶴起洞雲翻何必攢眉去相  
邀醉給園

仄徑穿雲出危欄對石憑水聲秋撼寺松瀑夜  
驚僧虹挂臨池樹猿懸半壁藤條然發清嘯巖



山谷孫登

秋日偕翰卿諸子遊龍井二首

山中雲木合空翠濕衣裳細瀑寒生雨孤鐘夜  
帶霜僧分香露水龍下講經堂相對渾無語烹  
茶坐竹牀

珠林依水淨寶地得山偏泉脉飛穿石松根老  
帶烟窓容寒岫入榻借小龍眠欲別仍回首空  
林聞暮蟬

石屋二首

寶剎瞰危巒重重紫翠攢路排山鏤入石斲洞  
門殘水氣晴仍濕松聲夏亦寒道人驚客至倒  
着鹿皮冠

疊石翠微巔秋聲萬壑連倦雲依洞宿野鬼傍  
僧禪谷暗常疑夜崖穿忽有天會將綠玉杖一  
接紫霞仙

靈隱寺

西僧飛錫地鷲嶺幾時分古寺惟黃葉秋山自  
白雲雨花空外落潮信定中間爲愛雙林靜焚

香讀梵文

韜光庵

虛閣倚岩堦，高秋氣次寥。  
亂山圍郭小，一水接江遙。  
峰勢全欺寺，鐘聲半雜潮。  
平生丘壑興，齋罷宿僧寮。

贈鄭震卿時以尋兄至錢唐

千里尋兄至，風霜兩鬢華。  
逢人空有淚，遊子已無家。  
海月通羅剎，吳山繞狹斜。  
六橋烟柳色，妬殺紫荊花。

九日送喬卿之青田

汀洲一鴈鳴萬壑盡秋聲正是登高日那堪送  
遠行江晴魚網密山曙虎踪明覓得青田鶴相  
將朝玉京

虎跑泉

衰柳咽寒蟬殘僧敝衲懸泉餘山虎跡寺祇野  
狐禪敗楊蛛絲合頽垣葛蔓穿淒涼不可問日  
落亂峰烟

登吳山三茅峰二首

絕壁亂雲飄江寒霧未消綠知湖外柳白見海  
門潮王氣青山在仙蹤絳節遙不堪懷古處落  
水轉蕭蕭

憑虛何所有白雲秋正繁孤峰黃葉寺隔水綠  
楊村海氣兼天遠山容帶雨昏蕭然塵市外不  
必問桃源

紫陽庵

躡屐扣山扉秋聲滿翠微門蘿翻露濕穿石觸  
雲飛晚郭炊烟合寒江樹影稀采真人已遠何

處覓霓衣

王百穀過訪茗溪二首

官閒眠鹿圃客至問雞壇紫氣臨關見青山倚  
棹看雨多踈竹淨花盡小亭寒自笑夷門老塵  
冠何處彈

風雪暗關河王猷一棹過青蚨留客少白練乞  
書多汝已耽玄寂吾寧廢嘯歌欲將三乘意半  
偈問頭陀

安吉苦雨

寒色雨連旬蕭條井邑貧客炊吳地桂官積漢  
廷薪野宿狐依火山饑虎趁人怪來鴻鴈少四  
海尚風塵

行部孝豐道中

風雪歲已改它鄉吾獨行崩崖防馬足失路聽  
雞聲橋斷雲依水山多瘴近城羈心何以慰天  
日晚峰橫

重與連以善遊半月泉

竝轡出雲端僧迎舊長官二年人未去半月水

猶寒像古爐烟斷亭空壁蘚乾長明惟佛火還  
照寶花壇

丙申除日

爰書初報罷兒女暫相親風雪孤燈夜關河萬  
里人病憎梅刺眼愁對酒沾巾曉角無端起青  
春白髮新

丁酉元日

冉冉茗溪水春光五度歸羊腸時事改雞肋宦  
情違南國貂裘敝東方羽檄飛河清安可俟魂



斷老萊衣

春日郊行五首

王孫歸未得芳草又萋萋  
五馬行春日千山杜宇啼  
天迴何嶺北雨過謝塘西  
吏況何須問看雲信杖藜

荒徑雪初消春風動柳條  
蔓藤盤老木野水齧危橋  
山氣朝含雨江聲晚上潮  
會心豈在遠隨處問漁樵

兵戈猶未定村落不勝饑  
一逕只流水幾家同

敗籬雀依新草乳狐渡斷水疑極目蕭條甚邯  
鄲成角悲

倍惜年華換聊爲一日閒遠尋流水去時遇野  
僧還林近初聞鳥雪開乍見山東風吹碧浪歸  
思共潺湲

不盡烏程酒其如芳草何病中春事少門外世  
情多殘雪寒麋鹿柔風長薜蘿東山舊朋好相  
對貌關河

登樓

天地方多事餘生且陸沉鳥聲春樹合山色早  
雲深芳草宅鄉泪飛花故國心君看衰病者猶  
作越人吟

凌稚哲使君招飲山亭六首

載酒碧江隈扶筇曲逕迴地從二竺借山似五  
丁開野竹穿牆合新榴覆檻栽定知人散後惟  
有夜雲來

恠石幻層巒清池激紫瀾雲歸花洞暝月到竹  
樓寒盧橘風翻墜櫻桃鳥啄殘小園麋鹿隊笑

殺進賢冠

啼鳥欺絲竹飛花近繡筵  
臺高全俯郭垣短半  
窺田浦口炊烟直峰頭落日圓  
主人偏愛客不  
惜酒如泉

不意戎王種還隨漢使星  
屏圍松桂綠坐納芰  
荷青榻有催花鼓牀餘種樹經  
落英紅似錦醉  
卧爲誰醒

樓上書千種堦前柳十圍  
松枝巢鶴遍蒲葉上  
魚稀雨過紅萱潤沙深紫豈肥  
野人來往熟鷗

鳥亦忘機

後會渺難期空令怨落暉舟迴綠野外衣帶白  
雲歸泉石膏肓在風塵鬢髮非會須投綬去共  
卜釣魚磯

五月

五月未鳴蜩愁雲對寂寥山禽泥滑滑官閣雨  
蕭蕭得食豺狼喜欺人魍魎驕萬方征稅急無  
地可漁樵

攜李烟雨樓懷張幼于

烟雨暗汀洲。蘆花亂白鷗。官同牛馬走臺驄。鹿  
麋遊秋色。雙衰鬢。歸心一釣舟。片鴻書不到。望  
斷夕陽樓。

南原

聞道南原破。朝鮮半入倭。義軍葬遼水。飛檄到  
交河。幕府黃金盡。沙場白骨多。憂時老司馬。和  
議竟如何。

丁酉除夜鄆縣寄內

吏散鳥啼初。蕭條閉綺疏。家猶三地隔。歲已六

迴除華髮催人急  
青山入夢踈  
干戈何日定  
同上鹿門居

同陳振狂遊慧山寺得袍字

抱江孤剎淨俯郭一峰高地借茅君宅  
泉分楊子濤松聲驚夜鶴  
帆影上春袍  
古洞無僧住東風落碧桃

登金山二首

一柱接青霄  
春江浪正驕  
龍歸山寺雨  
月落海門潮  
水氣中峰合  
人烟兩岸遙  
振衣危塔畔  
疑

度石梁橋

水圻疑無地江分別有天歸帆瓜步月去鴈秣陵烟雲擁春遊女潮喧夜定禪客來多起色不用酌寒泉

真州逢汪肇邵弁寄振狂

三月江風惡孤城猶未春十千沽市酒百萬買君鄰共有關河泪能無京洛塵梨花飛似雪愁殺渡淮人

侯師之宅觀牡丹不見主人戲題二首



落紅春事盡。傾國爲誰妍。盡日無人處。芳心轉  
自憐。初粧渾怯雨。半綻欲留烟。地主何相避。枕  
書花底眠。

絕域戎王種。夷門處士家。鶯啼三月錦。鹿卧一  
林霞。艷恐紅裙妬。嬌須翠幙遮。花時不得醉。愁  
殺鬢雙華。

三月晦日登真州城樓

北地寒雲積。南樓晚照開。春光今日去。山色隔  
江來。官路當城直。商帆抱岸迴。鄉心與客泪。候

鴈苦相催

燕子磯

孤舟何處泊  
雲樹鬱蒼蒼  
醉倚將崩石  
閒看欲上潮  
春濤喧寺近  
古郭截山遙  
日暮逢僧話  
傷心問六朝

病中同謝于楚陳振狂汪肇邵登牛首山  
五首

仙窟何年闢  
丹梯百丈迴  
平蕪當水盡  
天闕背城開  
石鼓無秦字  
龜池有晉灰  
興亡總陳跡  
對

酒不須哀

日落翠微橫山空春鳥鳴  
烟花吳苑盡曙色楚雲平  
雨散文殊洞霞標范蠡城  
扶藜探穴遍祇恐野猿驚

石級插雲端僧寮倚佛壇  
瀑聲歌枕聽塔影閉窓看  
嵐翠雙峰合松濤五月寒  
白衣諸女伴閒坐石闌干

佳客同玄度名園問給孤  
覆堦文杏老繞磎碧藤枯  
趺草猿聽法巢松鶴引雛  
紫衣僧愛客敷

坐出伊蒲

縹緲白雲層蹶蹢病客登路遙頻倚樹磴滑半  
支藤卧洞疲如佛迎人嬾似僧上方心地寂垂  
死證三乘

端陽日真州觀水戲二首

竹葉汎昌陽魚龍百戲張絲絲歌扇伎錦袖刺  
船郎酒氣山花薄江風水簟涼嚴城時未閉簫  
鼓滿橫塘

暖風吹水戲過雨動波紋蓮葉仙人舫榴花舞

女裙鶯啼晴浦樹龍出暮江雲日落城南路菱  
歌處處聞

送詹叔正之吳興二首

日落太湖濱扁舟一問津山川舊游地風雨獨  
行人枹鼓村墟急徵求澤國貧荒年兼薄俗白  
髮貴謀身

我識茗溪久年來事事非幾家殘破後君去復  
何依世業推純袴人情厭布衣更聞苛政甚作  
客不如歸

李季宣孝廉雨中見過二首

余賦上居篇君仍下第年交嫌今日晚詩勝舊  
時傳流落憐同病文章結後緣更誰堪白社把  
臂意茫然

雨爲催詩至花應遲客新烽烟雙寶劒湖海一  
綸巾盤薦黃魚熟尊浮綠蟻春還將廣陵散洗  
盡洛陽塵

真州天寧寺避暑

病渴愁炎瘴閒行得上方客心無住着佛地有

清涼石榻松陰合山風草樹香老僧乞詩去獻  
罷紫瓊霜

偕李宣諸子過何氏別業二首

幽墅枕城阿孤村卽荳蘿華門人到少松徑鳥  
啼多蟻避初移竹魚翻欲敗荷酒闌新月上良  
夜意如何

上客五花驂佳人碧玉簪倚風菱葉亂出水蕉  
漿甘高柳燁紅合清池樹影涵不堪牢落日憔悴  
對何戡

臧晉叔博士過訪二首

觸熱向江城，孤臣泪滿纓。  
病身愁鬼錄，失路見人情。  
沙暗蟲吹影，村空犬吠聲。  
壯心與幽憤，對爾不能平。

以我方留滯，逢君亦倦游。  
玄言探白馬，紫氣識青牛。  
山雨孤城晚，江風六月秋。  
且爲河朔飲，暗壁未須投。

鑾江舟夜聽雨重別袁小脩

江上雨潺潺，蕭蕭度夜闌。  
聲隨離恨咽，氣得早



秋寒月黑看還失舟空聽未殘送君兩行泪相  
與濕闌干

顧所建招游上方寺

出郭信孤筇看雲到遠峰蟬聲滿疎柳秋色上  
高松井廢蟲絲合碑殘蘚篆重夕陽人影散歸  
路尚聞鐘

爲人題畫舫

隱君高卧處雲水碧漫漫有舫皆書畫無時不  
釣竿山當京口斷濤出海門寒正值鱸魚美塵

冠何處彈

周喬卿見過兼餉荔支

棄置復何適北風秋正哀  
孟嘗門下客今日幾人來  
官豈交游累心應喪亂灰  
荔支丹似錦鄉思渺難裁

泊舟三山

脉脉江流去空令悲客心  
雲生山勢斷潮落水痕深  
寒月終宵鴈秋風幾處砧  
遲迴望京邑歸思不能禁

南陵道中

西風吹歲晏何意復南征  
十月黃山道飄零寄  
此身崩橋愁度馬落日恐行人莫更高樓望遠  
啼損客神

涇縣道中

鳥道枕長河籃輦度薜蘿  
野蜂巢廢堠饑雀下  
枯禾村市炊烟少山城瘴雨多  
青楓丹欲盡客  
鬢近如何

次旌陽

病客愁無賴殊方路轉艱  
火田全乏水縣郭半圍山  
人影蒼藤外猿聲翠靄間  
夢魂應憚遠竟不到鄉關

蟹嶺

萬壑起秋濤陰崖虎豹嗥  
樹隨人影小雲逐馬蹄高  
天近山多雨霜寒地不毛  
可憐塵土客歷盡未知勞

贈慈恒和尚

羨君年最少得道便辭家  
洗鉢人拋果吹笙天

雨花定心松外鶴聞性樹前鴉結習由來盡何  
須轉法華